



雙溪醉隱集卷四

七言律詩

寓歷亭

元

耶律鑄 著

人間無地避歌歎  
忽覺涼從四座生  
好在醫無閭上月  
為臨華不法邊城  
千年遼鶴三生夢  
一曲南風萬古情  
今日濯纓知有處  
大明湖淨舜泉清  
予本家遼上  
後家醫無閭

秋日酌蘭皋亭

朝來爽氣撲蘭皋  
竊喜西山隸我曹  
孤奮自甘棲澹泊  
五噫寧苦遂清高  
逆知江上鱸魚膾  
未抵樽前紫蟹螯

誰似無何狂醉隱  
痛延杯酌詠離騷

晉蔡洪有  
孤奮論

### 侯家

探春人喜報來頻  
春色看看滿玉津  
紅杏雨踈桃臉嫩  
綠楊煙冷黛眉顰  
鳳凰簫咽歌聲轉  
鸚鵡杯深酒味醇  
應是雙溪新領要  
園林良是主人新

### 松聲

數間茅屋起雲峯  
明月天高睡正濃  
乍覺夜傾千丈雨  
不知風度一山松  
人間拍岸驚秋浪  
海底喧天怒老龍  
洗盡生平塵垢慮  
浩然爽氣溢心胸

蒼蒼鬱鬱本無情  
何處風來吹有聲  
四面迅雷平地起  
九江湍浪一時傾  
闕山夜靜蛟龍吼  
河漢秋高鸞鳳鳴  
風定松間無箇事  
喧天動地可來驚

幽人耳淨聆錚錚  
一夕西風夢裏驚  
非玉非金非草木  
似琴似阮似秦箏  
夜閑拍枕三更雨  
秋冷喧天萬竈兵  
孤坐茅簷對明月  
一聲聲是自然聲

巖聲何事韻錚錚  
風入寒梢鳥自驚  
七嶺

行宮地名

夜寒節

節

漢月九霄霜冷奏  
秦箏歸心喚起陶  
元亮醉耳還醒阮  
步兵擬賦新詩慵  
把筆劃然長嘯兩  
三聲



春梅

一夕西風糝玉塵曉來策蹇到江濱  
枝頭金蕾安排破雪裏冰姿準備春  
倚竹欲形閒態度臨歧微露舊精神  
此花底事年來早有意調羹近紫宸

梅魂得香字

憶昔西湖雪霽芳轉頭瀟洒壽陽粧  
角中吹散舍新怨夢裏飛來帶舊香  
堪恨月樓三弄曲漫勞詩客九迴腸  
徘徊目斷江邊使為問春光底處藏

玉骨消枕沈一夢長羅浮山下幾昏黃  
祇須怨笛招遺韻

一作新恨枉託風梅返舊香  
蒼海樓臺渾縹緲紫陽宮闕更

微茫寶玦只篆灰心字誰伴同心與倩娘  
明皇令方士

跨海見玉妃太真院事紫陽宮闕見漢武致李夫人事有梅魂心字香同心梅名

謹和尊大人領省雷字韻

乾坤昨夜淨氛埃春到南軒一樹梅  
驛使浮沉芳信斷東君委曲蠟封開  
竹篩涼月牕前雪風送寒濤枕上雷  
清入夢魂眠不得劃然長嘯出門來

獨醉園梅數年無花今歲特盛中觴有索賦梅詞者為賦

世外佳人幼婦辭表表豐之嘗謂梅曰愛春移入背陰

枝顰婆進奏玉連鎖雲子勸延金屈忘世事儘他無定

論醉懷元自有開時由來萼綠花心在擬倩梅仙遣所

思有綠萼梅好事者比之仙人萼綠華汴梁艮嶽有萼綠華堂其下專植此本

和人落梅

晚來江上斷人腸占斷嚴凝憶獨芳易得飄零驚短笛

不勝憔悴褪殘粧月明霜重為誰惜塵暗雲埋猶自香

擬嫁與春春不管却隨流水怨昏黃

落梅分得香字

咽咽戍樓三弄角悠悠江使九迴腸一窻夜月空憐影

滿地春風自好香憔悴縱無蜂蝶怨風流合有燕鶯忙

水邊籬下將誰惜却對幽人怨壽陽

擬詠落梅

傲雪欺寒獨自芳雪消寒盡老何妨飄零最是堪憐處

桃李無情恐妬妬香夜月有知應懊惱春風何計可商量

自從一識東君面贏得林生滿徑霜

玉泉新墨并序

尊大人領省得江南楊氏子彬受造墨法甚神



絕令鑄學造一萬丸其妙即遠過雪堂茂視諸  
家可與李廷珪相先後焉命之曰玉泉新墨故  
作詩以紀其事云

栢液煤揉冷劑香枯膠點漆自仙方風生白兔硯名瞳

睛瑩電走碧雲牋名鴉背光可咲千金高索價更憐百

紙碎裁鋼一作鈿貯情看了人爭道且置三張在一傍一作

玩來一足方頭筆莫道張顛酒更狂

從渙然覓紙

珍重含章承素業價高摘藻拔皇州祇綠布獲三都賦

更欲恢張五鳳樓元銳銘心由白戰陳玄研思為冥搜  
風流坐上芸窓下落紙雲烟待解憂時余將書獨醉園

賦三

謹次尊大人領省火絨詩韻并序

沙陀舊戍有老榆馬中朽者若蟬翼然附石以  
鑱鐵擊之即燧尋以馬通燥者穰薪之噓而可  
以爨尊大人領省為首倡予從而和之

雨擊風摧歲月空卧沙老木暗藏絨一彎鑱撒手中月  
幾點星飛吻角風放出夜光應有力挽回春色豈無功

燧人勲業今安在惟有真空用不窮

為曹南湖引阮摘賦

坐對王郎謂公茂國手手語禪遶盤鳴玉漱流泉千年野鶴

穿孤月阮又名月琴見飛鶴穿月因肖其狀萬壑松風入四絃賀老定場

將夢斷桐孫傾韻與心傳仲容元是青雲器不短楊雄

草太玄

詠阮

點鐵成金有自神奪胎無骨示天真驚虬昂首出月魄老

鶴奮身當桂輪意足聲圓還自問變風變雅更何人應

疑一作太白司花界長抱琵琶控好春

楊妃菊

脉脉無言入醉鄉風柳猶記在昭陽露晞金掌遺春夢

月掛瑤臺怨夜粧不憶千年一作傾國艷祗消一縷返

魂香無情莫比吳原草更忍罇前舞斷腸

芍藥

披猖二十四風花淑美豐融殿百華界付碧蓬顏粉藥

薰裁温馥叠鮮葩無言似笑詩魔惱比韻侔嬌女艷加

壯歲逐春心欲謝酥煎靡麗遠泥沙

對城南池蓮招曹南湖

凌波延佇澹相留應託微波怨未休  
閑偃露盤如欲語驟傾風盖却回頭  
歌珠串脫橫塘兩醉玉香凝罨畫樓  
好在水仙繁會處爛張雲錦待仙舟

天香臺牡丹

牡丹名品數姚黃分外精神分外香  
氣節得教稱貴客風標元索號花王  
玉妃醉露足春夢魏后倚風呈曉粧  
天賜寵榮光價在得無夸麗酒仙鄉  
天香臺單葉牡丹率成重葉千葉為  
賦比紀

之

雲根元自養黃芽

有靈根紅牡丹

標置長春膚此花

有長春心紫牡丹

喜芳時回上葉眼明今日見重華玉樓疊起連珠樹

樓紫寶閣成層結綺霞誰在一天香陣裏得人

爭指是仙家

唐家牡丹

花譜有唐家紅紫牡丹

花萼相輝瑞錦屏

有花萼紫錦屏紅牡丹

探春丰度戀春情

一作晴有

探春有戀

貌同膩玉鏤雕就

有玉鏤衣是縷金絲織成

有金絲

應笑玉華頭髻重

有玉華愛更金粟臂環清



粟牡丹又曰簇金有揚家紫楊溫柔誰更曾傾國紫有牡丹只數楊家姊妹名

薦福山寺殿前牡丹

天女盤中見此花更須宜在竺仙家香名夙著謝靈運

標致竟輸楊子華鬪日爛擣丹地錦瑞雲間襯赤城霞

牡丹有鬪日可憐宗正皆芳宴不著歌詩觸處誇輦下

紅瑞雲紅記新進士牡丹宴在宗正寺亭子

飲獨醉園牡丹下戲題

誰伴花王同樂國溫柔鄉裏醉鄉侯莫推花酒為留事

難得侯王結勝遊婪尾豈辭延入手招腰可是要纏頭

已將八斗新珠玉買斷春風與帝休

題西菴所藏佛牙

旃檀奩裏貯靈牙來自中天尊者家瑩色冷侵秋夜月

真光明射晚晴霞本同舍利元無別疑是金剛事有差

猶憶廣長舌左右嚼咀風雨震雷車

太極宮

空翠凝香徹紫微步虛聲蕩綵雲帷金人承露夜應怪

玉女散花春不知別起蟾宮修素月更明龍燭浴朱曦

醉來還袖昭華瑄待就蒼鸞背上吹

戲書太極宮舊碑陰

憶乘綺絡命魚車登白空山詣紫虛天籟虛徐生洞府  
風簫冷徹在樓居九成絳雪無消息三變元雲就掃除  
唯記清寧年月日五雲閣吏少霞書

蔡少霞夢書蒼龍  
溪新宮碑銘其末

題云清寧二百三十一年四月  
十二日建五雲閣吏蔡少霞書

登玉皇閣周覽燕都偶而成書

勢傾幽谷控扶桑琪對霓旌照八荒一種世間豪俠窟  
九重天上利名場翠簾籠日縱金鳳清蹕揭雲朝玉皇

何事未祈心事了更休頽思媿平章

遊仙

六銖仙帔映花朝護蹕癡龍膽氣驕五色雲車迴日馭  
九葩芝蓋抵星橋閑攜鳳女批明月還縱鸞歌透紫霄  
半夜水精宮殿裏碧桃花下更聞簫

琳宮月夜宴集

紅雲香團露井桃彩雲輕葉擁霓旌三千玉女霞裝薄  
十二珠樓月燭高花界不應辭琬液海人休便獻龍膏  
文章好在通明殿醉墨淋浪鳳錦袍



奉答翠華僊伯 并序

張唐臣等諸公夜祈大僊僊批以詩云玉皇香  
案晚朝迴小小星壇向夜開一炷信香通鼻觀  
翠鸞飛背酒仙來或有問予行藏者亦批以詩  
云春來看取百花叢粉白妖紅造化功燕子鶯  
兒休調舌花殘明日起熏風祈求仙號批以翠  
華僊伯予平昔聞祈大僊以為兒戲而不之信  
也是夜更有詩數首并滿江紅詞一闕氣語豪  
篇什可觀後因醮者以此為答

龍燭飛光拂羽林珮環聲急蕩疎陰黃金闕浸明河冷  
白玉樓涵碧霧深雲隔鳳簫春澹澹月依鸞旆夜沉沉  
的知天必從人願得得親來拜好音

題長春宮瑞應鶴詩

藥宸華供列仙班靈境清沉白日閑鶴駕競來趨北極  
高呼元不離南山玉皇宮殿紅雲裏金母池臺碧霧間  
休應是彰皇化處鎮長春色在人寰

千年物外還丹使豈不銜珠首重回遼遼空香辭閭苑  
競隨虛駕到蓬萊

宮有蓬萊門

仙家得表明時兆壽域元從



此日開不是瑤臺無戀處九苞金鳳感將來

李隱卿名谷與青城劉翁同舟至蘭溪卿大夫脩  
生者館之道侶贈李詩云李郎涉世似虛舟片帆  
來度楚江秋又毗陵家弟季文和此篇云夢蝶豈  
知真是蝶騎牛何必更尋牛老夫亦慕道者次韻  
和之記劉李字跡劉本書生工詩奇異飄然塵外  
也

白公枉識郭虛舟劉李飛符袒劍裘興軼壺中身混世  
氣酣酒裏意橫秋運調朱鳳啄白石耕蒔金錢製牯牛

赤子返真標指妙阿伽陀藥肯言不劉吐丹千百粒示  
人遭毒藥不能傷害

贈坐竿道士并序

竿幾五十尺語人曰歲陪人則不數年可得上  
天矣其謬如此故作詩以懲之因寄長春李真人

說似蓬萊恐更迷劉郎親涉武陵溪梭拋霞綺龍鱗澀  
輅展虹橋鳳翅齊碁燭縱光然日月宴衣分色剪雲霓  
桃花零落春風起笑殺王喬醉似泥

寄白雲菴趙鍊師

郊園日涉應成趣  
遠謝囂氛思不羣  
罨畫溪邊局岫幌  
碧桃花下列仙班  
千年往事隨黃鶴  
一片閑心伴白雲  
縱倚鳳書徵不起  
可無芳信寄王孫

留題大防山孔水

唐胡詹記大歷寺孔水云  
或有人浮輕舟探邃  
穴入瀕洞莫究其源  
但有仙鼠晝飛頰  
鮮時見又遼壽昌  
五年飛冥子鮮于鴻  
作孔水銘其序云  
按幽州土地記沙門  
惠珍嘗篝火入經  
五六日方還亦不測  
其淺深也安知此水  
不與瑤池

潛通桃源相接乎  
故開元天子每每時  
而降必遣使投龍璧  
於此則休應響答事  
存諸往記焉山主如  
上人言洞有白龍時  
復出見轍化為魚形  
狀絕異泰和乙丑冬  
忽流桃花花片皆五  
錢許至今洞中且有  
樂音絕此孔水之大概  
也因為書其洞壁云

尾間寒泄碧雲漿  
誰動霓裳混渺茫  
愜意玉龍深釀雨  
縱遊頰鯉靜歎香  
流沉通瑤水明霞  
近洞接按桃源白  
日長相得羣仙情  
味切又拋花片賺  
劉郎

登燕都長松島故基

縹緲笙歌拂紫霄  
水晶宮殿蔭蘭皋  
勢傾蒼海風雲動  
秀出中天氣象高  
可是浪懸秦照膽  
不知誰玩漢吹毛  
流鶯似說傷心一作事  
題徧宮前小野桃

又登瓊華島舊址次呂龍山詩韻

不放笙歌半點閑  
紫霞香露怕餘殘  
水搖千尺地中月  
人倚九重雲外欄  
碧落更誰乘彩鳳  
翠屏空自掩金鑾  
蓬萊宮闕遺基在  
忍對秋風子細看

九龍谷

紫霞西域瑤名

六龍遺蛻九龍蟠  
終古蟠龍氣象閑  
逐鹿得非紉石馬

啼鷓應自怨橋山  
披天一鼎神移去  
落日孤林鳥自還

猶託一作哀湍  
渾自說悔將春夢到人間

六陵惟有兩石馬在太祖

前陵

發藥兒嶺過永定關詩

地志作藥餌後唐作藥兒

山靈應也厭囂埃  
宛寫幽塵篆綠苔  
望氣莫疑非尹喜

附輿湏自是韓哀  
側駢翠壁侵雲起  
斜抱橫流捲地來

好在舊時提畔柳  
不知青眼盼誰開

堤有前朝時柳

傷城古次友人韻



每愛登臨趁雨晴涼生襟袂晚風清草鋪平野厚重裊  
綠水引水斜陽一線明殘柳斷碑興廢地淡烟啼鳥古今  
情繁華消盡市朝變花落月明空水聲

和人黃龍岡懷古

又名黃陵岡  
首唱作黃龍

黃龍不負覆舟飛天意人情儘可知一擲乾坤將自睹

兩周甲子是誰推若須要處長生鹿長生鹿首  
倡中語也可是曾

收越影遼朝良馬騅有越影騅睿德神功無籍在土花封合御園

碑燕都南御園有金源氏武元皇帝  
睿德神功碑燕俗呼為御園碑

謹和尊大人領省沙場懷古兼四娛齋韻

小沙場沒鐵衣堆憶昔英雄一窖灰青塚荒涼遺恨怨

黑河嗚咽寫餘哀書癡信手翻新曲詩瘦扶頭怯大杯

汗漫謫仙遊八表子卿歸後幾人來

讀漢書偶成寄李稚川

看盡人間傀儡棚不知笑殺老禪僧一作萬事從今一  
唾輕可憐秦廢漢

龍興風雲會無多日禾黍高低沒五陵紙上功名休理會

夢中身世儘翻騰從今拚取生平醉莫惜王公喚不應

見曹丕受禪碑有感

從此建安王氣衰君臣離合可傷悲幾入石上留名日

千載世間不毀時過客未知誰氏迹野夫猶道漢家基  
臨風讀罷一長嘆却是曹丕受禪碑

因讀史偶成即書

一曲狂歌萬古情惜難將日繫長繩未言孤兔遊秦苑  
已放牛羊入漢陵夢穩幾曾驚鳥喚酒酣長欲看雲騰  
莫持心事投明月領取繁花半夜燈

題漢武內傳

爛燭神光射九霄空香虛駕遶霓旌將臨紫極調金液  
更入明霞漱玉膏瑤水露寒芳草歇鼎湖烟煖景雲高

可憑誰問秋風客忍委三山與怒濤

宮怨

脉脉慵拈鳳翼簫沈思陳事自無聊不惟只妬鴛聲巧  
且是嘗憎燕語嬌照膽光芒殊未歇守宮顏色若為消  
梅花獨自驚時節肯放春風到柳條

哀長安

漢家宮闕五雲間不似當時夢一般金殿夜延螢燭暗  
翠簾風窄月鈎間笙歌竟逐人消歇樓觀空餘燕往還  
斜日亭亭澹無語為誰空下九峻山



煬帝席上同諸人賦

疊鼓凝笳宴未闌  
戰塵回首滿人間  
南山翠竹長聲上不  
起東海洪波流已乾  
寶駕陸沈池館盡  
錦帆星散水雲閒  
空餘仁壽宮前草  
遙接雷塘野樹寒  
李密嘗移檄郡縣紀煬帝罪云罄南山之竹書罪無窮決東海之波流惡難盡煬帝行逆于仁壽宮後宇文化及弑煬帝葬于雷塘

周室

風滿珠簾月殿涼  
水紋珍簾浪生香  
翠釵飛燕遶春夢  
寶鏡舞鸞呈曉粧  
空自不來行暮雨  
為誰無語背斜陽  
含情凝絕凌波路  
未分蓮花是六郎

題楊貴妃遺事

玉笛聲沉玉漏長  
玉環心事夜來香  
如何更飾金訶子  
却比無言睡海棠  
雙鳳扶雲留翠輦  
九龍休雨去蕩湯  
千秋萬古嵬坡夢  
應繞新臺怨壽王

漢宮

幻出壺天醉碧桃  
旋開雲竇挹瓊膏  
龍蟠燭影承香輦  
鳳擁簫聲繞赭袍  
織女機臨銀漢動  
捧盤人共玉蟾高  
如何今日猗蘭殿  
吹盡雄風到野蒿

煬帝故宮



鳳蹕鳴鑾入暮雲  
繚牆傾影障苔痕  
三千歌舞春風起  
百二山河野日昏  
石馬不嘶春自老  
玉樓無迹燕猶存  
舊時長送龍舟水  
空伴寒潮過海門

### 綉嶺宮

日射天門綺霧開  
藥珠宮闕照蓬萊  
霓裳動入青冥去  
羯鼓聲含白雨來  
六轡玉虬籠劔佩  
九重花界映樓臺  
惜無術測一本天公意  
恐竭恩華養禍胎

自稱天公見羯鼓錄

### 次趙虎巖遊香山故宮詩韻

往事驚心話欲休  
併隨閒望入層樓  
為龍為虎人誰在  
鷗去鷗來水自流  
翠輦影沉天地老  
紫簫聲斷海山秋  
長歌一曲西風起  
手把殘花盡日留

### 游玉泉

紛披容與縱笙歌  
蕙轉光風艷綺羅  
露冷桃花春不管  
月明芳草夜如何  
靈珠浩蕩隨蘭棹  
雲錦低回射玉珂  
深入醉鄉休秉燭  
盡情揮取魯陽戈

伯壽二侍妾名萱草芳草

桃花事見桃花夫人  
事洛陽耆舊劉

### 次張子敬遊玉泉詩韻

併覺氣埃不更侵水天澄碧自相臨縱游人在知魚樂  
浪作詩來羨鳥吟花障靜綠芳草合香雲濃鎖洞房深  
從今落筆驚風雨要識春風是此心

次趙虎巖過玉泉懷古詩韻

玉泉瀟灑已年深昔日遺蹤尚可尋有意林泉堪作伴  
無情歲月任相侵携壺乘興開懷飲策杖閑遊信口吟  
地僻山空無客過松杉庭戶夜沈沈

宮詞

玉輦聲沈不再過錦屏寒影夢如何露花凝夜香珠冷  
苔徑封春翠靨多怨燭淚乾遺曉月妖蓮心苦起秋波  
姮娥萬古青天上剩比人間受折魔

離宮詞

蝶粉蜂黃事已休凝塵空滿玉搔頭海棠酣睡醉無力  
人柳癡眠閒自愁深掩綠陰籠曉月亂飄紅雨漲春流  
不知燕子來時節幾度雙飛入畫樓

戰三封

太宗皇帝馬渡大河睿宗皇帝馬渡漢江與金  
人大戰於三封之原會雪蔽天金人大潰乃豁



然雪霽月色如畫一襲殆盡因志其事云

河漢吞聲自請平冷光橫絕見長庚是歲長庚見數月不滅驟揮

戈去日西墜觸析柱來天北傾威控望舒延苦戰勢微

滕六縱疑兵獲澤陽之美賞謂是日雪之作也惟見旌旂陣馬蔽天而下皆北兵也予恠其言而

訪諸他人若非不是雲龍變一舉誰收萬古名

一如其說征不庭

聞說天兵下八埏自臨華夏益精妍龍拏虎擲三千國

岳鎮遠滄五十年應欲昭章新日月更為彈壓舊山川

可憐棘霸皆兒戲不似神微計萬全

### 侍宴萬安閣

和林城萬安宮閣名也

六龍捧日上層霄人海妖氛暗自消五彩鳳聲喧鳥道

九光芝色煥蘭苕醺酣兜率黃金殿太宗皇帝賞號萬安宮為蓮宮吹

裂崑崙紫玉簫更覺鈞天佳氣合萬枝華燭動虹橋

### 小獵詩

翠華東出萬安宮獵獵旌旂蔽碧空鸚鵡杯停縱金勒

鷓鴣裘袒控雕弓塞鴻驚帶鵝毛雪野馬塵飛羊角風

萬騎耳邊驚霹靂一聲鳥鎗暮山紅

翠華十月獵川中馬上書生日不窮濟濟威儀周制度



番番人物漢英雄一封雲漢飛金詔萬國君王朝玉宮  
四合相連幾千里熊羆都入我牢籠

寬甸有感

和林城有遼碑號和林北河外一舍地為寬甸  
廣輪可數十百里列聖春夏游幸所也

黯光寬甸舊煙光鋒鏑縱橫擾帝鄉昔是翠華臨幸地

今為白草戰爭場陰符消息成金櫃一作傳金版。六韜主將有陰符

雄戟分明勝鐵槍職官分紀有雄戟將從此不應將北

極等閒容易許禹強莊子云禹強得之立乎北極

賢王有雲南之捷

詔出甘泉總六車渡瀘深入建元勳旌旂蟠地慘遮日

金鼓震天寒攪雲塵戰折衝貔虎陣先聲靡拉犬羊羣

中朝詞客如椽筆一作與名王紀所聞

獻上賢王

神燭高明一作暉日月齊司分蘭艾入春畦虹霓渴飲滄

溟竭星斗光垂碧落低寒暑縱催窮塞鴈晨昏寧屬禁

城雞無能自忖人堪笑唯有青雲是舊梯

近聞賢王春水因寄

風揭鴛鴦擾綠漪鳴蟬聲促越重圍海東青貼翠雲起  
照夜白侵瑤水飛玉鷺亂飄梨雪去彩鴛爭絕浪花歸  
非熊未必當時記依舊烟波遶金磯

大江篇寄上賢王以代謝章蕙賀平雲南之捷

冷浸乾坤影蕩搖狂瀾萬古自滔滔游風欲動雪還沸  
淫雨不收天更高留取蛇珠弄明月乞持虹釣袖神鰲  
渥注已厭江南草何事靈胥有怒濤

挽皇太子詞

象輅長歸不再朝痛心監撫事徒勞一生盛德乾坤重

萬古英明日月高蘭殿好風誰領畧桂宮愁雨自蕭騷  
如何龍武樓中月空照丹霞舊佩刀

韓省幹子平荐章應格朋友漢漢然未知忽改京秩

作七言近體一首賀之

山雌澤咏競騰軒孰與昂駒局短轅造物至公殊弗置  
窮交未喻枉焦煎鳳批一諾膺天陟馬頸三鞶朝日邊  
虎鼠猥疋隨秉筆銓曹常格勿從旃





